

兩
浙
名
賢
錄

兩浙名賢錄卷二十九目次

吏治

明二

程鄉知縣陸克潛

廣德州知州孫文冕

池州府知府祁宗規

司員

臨邑令王宗玉瑄

湖廣副使何尚質

兗州府知府吾肇

南昌府知府祝惟容

德安府同知施漢章

江都縣知縣陸抑之

蘇州知府姚彥容

子錄孫
清附

海州知州陸德毅

連江縣知縣林時叙

上饒縣知縣任亨伯泰 吉安府知府張孟端本

吳江知縣金惟深洪子模附 臨城縣知縣章忱

雷化縣知縣方克和漁 毫縣知縣胡信之榮

建寧府同知於文瑞珏 遂平縣知縣馮世英俊

廣西副使陳廷祐瓚子澤附 浮梁縣知縣王舜耕坡

泉州府知府包民敬溥 福建僉事查原博約

太平府知府項誠之經 路南知州徐子肅憲子汝圭附

南州府知府袁景輝燠 臨淮縣知縣呂克中和

叙州府推官謝舜卿愷 萍鄉縣知縣張惟善時致

古田縣知縣汪右中璫

德平知縣范璫

弟璫孫言曾孫
應璫之族附

桐城縣知縣沈敬敷教

重慶府推官李璽

湖口縣知縣陸文盛郁

咸寧縣知縣陳悅

欽州守徐良璧珪

襄陽太守徐子正咸

延安通判周時敬雷

長洲縣知縣吾廷順翁

陽信縣知縣陶時莊儼

清河知縣陸文珮琳

子必附

宜春縣知縣姚應辰參

子篚篋艾孫體信附

山東僉事錢可容宏

鉛山縣知縣杜望之民表

韶州府知府陳用光紹

太倉州判金孔殷江

安丘知縣邵本中大章 興化府推官沈大新鑒

蕪州府通判包子木梧 饒州府推官康伯正學詩

延平府推官李珉 惠州知府沈子完垣

歸化知縣章若虛宗實 延平府知府陸大行相儒

徐聞縣知縣王德純朴 威縣知縣錢汝沖木

馬湖府同知薛文明治 常州府知府應子材櫟

蒲陽縣知縣陶世顯謨 常德府知府陸汝行州

徽州知府陶子述承學 廣信府推官卞信卿謨

松江同知陳敬夫善道 奉新縣知縣來子禹汝賢

附子

德安府知府張鳳來

汝寧府同知錢子元貞

廬州府知府屠宗豫

仲律

濟南府同知楊汝承祐

卽墨縣知縣吳介夫庶

樂平縣知縣周季實茂恂

吉安府推官盛原陶唐

六合縣知縣茅國卿宰

福寧知州鍾太初一元

崇安縣知縣鍾惟一銳

萬載縣知縣陸溫夫璫

內江知縣沈雲卿伯龍

常德知府葉文榮朝陽

肅寧縣知縣俞汝誠子良

陳州知州洪惟進杰

廬州府同知查鳴周志文

兩浙名賢錄卷二十九目次終

兩浙名賢錄卷之二十九

東海徐象梅仲和氏謨

秀水支如璫小白氏閔

吏治

明二

共九十四人

程鄉知縣陸克潛銀

陸銀字克潛，平湖人。性至孝。父珪嘗患癰，銀咋之而愈。母李氏畏雷，每雷輒趨母側，常達旦不寐。成化間，由貢士授程鄉知縣。程鄉在山海間，多劇盜，銀初至，邑江閩

界流賊爲寇議者皆以殄盜爲急。張謂與民未有恩信。何遽勞人。乃新學舍。以禮義勵諸生。問民疾苦。晝夜不息。暮年之後。始剛練義勇。間出勦寇。斬捕常至千百。盜賊畏威。慕化。相約無犯。程人構訟。多以賂取勝。張門無私。謁健訟者。不得行其計。日減十之六七。常戲語人曰。吾能大畏民志矣。無何以母喪歸。民號泣攀送者數千人。出境而後返。張竟以哀毀致疾。卒於常山。逆旅囊無一錢。逆旅主人徐文育爲買棺。歛之。或謂張之卒於道路。蓋天之欲旌其廉也。張沒後數十年。程鄉人猶相傳。

陸公來則谿峒盜賊皆屏伏不敢動其畏懷如此及聞
張之卒皆設位巷哭立專祠祀焉初朝廷聞張名擬用
爲兩廣都御史會張卒不果及子淞孫杰俱貴累贈張
官卒至都御史

廣德州知州孫文冕紘

孫紘字文冕鄞人成化戊戌進士授鎮江府推官擢拜
南道監察御史南都有國戚橫奪民田萬計民灼其勢
莫敢言卽言亦莫能直紘至悉稽版籍奪還民守備蔣
琮冒奪民蘆洲侵後湖墾地爲田多不法紘率諸御史

其劾之不勝坐謫廣德州判陞知州專務德教持大體不爲煩苛威行豪強而良善者不知有官府期年境內鵲鵲產白雛雉樓鶴巢乳鶴城南之污漬不澄而清州民以爲三瑞刻石紀之卒於官絀少貧母病思猪肉不可得乃爲庠士傭書取值買肉以供母母含淚啖之及祿終身不食肉有問者佯以疾對居官竟以清節終

池州府知府祁宗規司員

祁宗規字司員山陰人登成化進士第初令唐山拜御史歷知徽池二郡司員爲御史按治所及務以法懲奸

貪其治一縣兩大郡不以法而以恩爲民定禮制息囂訟節冗緩征愛之如子卒於池民爲罷市立祠祀焉司員性孝友親喪廬墓三年伯兄早世撫其孤如己子居官不苟取田廬無所增拓所著有先憂集仕優稿及奏議若干卷

臨邑令王宗玉瑀

王瑀字宗玉鄆人舉成化辛丑進士除臨邑令值歲薦飢疫癘大作瑀戶訊之授以藥餌無所避忌請於監司不待報發粟以賑吏持不可瑀曰罪在令不在若也卒

發之民一時俱有生色每訟至立遣決未嘗收繫民歌
頌之聲如出一口以觀去既免長拜南道監察御史尋
陞長沙知府府故有吉藩羣小假王勢率暴橫不法前
守多被窘辱瑄至輒訊其渠魁白王誅之羣小大戢無
何卒於官瑄天性孝友母目失明日抱持泣與寢食飲
必親未嘗須臾去左右宦游必奉以行弟性嗜酒多所
乖忤一不與較捐已田宅與之以清約終

湖廣副使何尚質淳

何淳字尚質淳安人登成化二年進士第拜監察御史

逕按南直隸風裁凜然尋陞貴州按察司副使改湖廣時旱澇相仍民艱於食淳設法賑濟而人不知飢既而河南山陝飢民扶老携幼流移湖湘間者道路相望皆曰何使君能活我不旬月動以萬計淳會有司驗口計程給以糧食遣之皆感泣去且曰非何使君我輩皆溝中瘠矣未幾陞按察使卒於官民哭之聲震四野

兗州府知府吾肇

吾肇開化人由進士任大理評事擢兗州府知府清慎有爲不憚強禦軍民畏服卒於官囊無長物一子貧無

所居人咸惜之

南昌府知府祝惟容瀚

祝瀚字惟容山陰人成化中進士歷刑部郎中風采才望爲時所推擢南昌知府南昌郡當會省號繁劇難治瀚廉明有威聽決無滯時逆濠勢漸熾戕民黷貨瀚屢裁抑之郡人賴以稍安王府有鶴帶牌者縱於道民家大噬之濠牒府欲抵罪傾奪其資瀚批牒曰鶴雖帶牌犬不識字禽獸相爭何預人事濠卒不能逞竟以中傷謝事歸

德安府同知施漢章奎

施奎字漢章秀水人彰德知府鐸之子由舉人任陸安州學正陞遼府右長史恪勤不怠輔導有力每進對輒引經且以漢東平河間爲美談王深嘉重之先是府校多不律軍民厭苦之奎肅其首惡爲民蠹者痛治之自是奸頑斂迹無敢犯成化改元陞南安府同知甫下車首詢耆老訪民緩急次第舉行之寬猛適宜刑威不用專尚德化不踰年而人吏洽和士風丕變三邑軍民愛敬之如父母且曰自南安有二守以來未有如我公者

九載考滿赴銓。曹力丐歸老。遂獲進階而還。既還數年。南安人思之不置。屬邑父老年八九十者。數百人連名投牒郡邑。長乞移文來浙。問施公安否。說者以爲居官得民。卽寇恂之守河南。張忠定之守西蜀。亦不是過。

江都縣知縣陸抑之愈

陸愈字抑之。平湖人。成化乙未進士。知江都爲治一本仁愛。窮鄉下里。靡不歷月召有年德者。鄉一人詢民利病。而興除之。歲凶。民多鬻子女於江南。亟相俸入。出罰錢贖。以聚者幾百人。每新穀未登。輒發其舊廩散之。約

秋成償而不取其息。又築邵伯隄。教民鑿溝洫。時陂澇以溉田。旱澇不復爲民患。江南屯卒多爲暴。境內一旦單騎往擒其魁。奏置巡檢司控制之。勢乃戢。縣羨銀數萬兩。多議輸大司農。愈請撫臣儲以救荒。後果大侵。民賴以濟。召拜監察御史。出按西蜀。蜀地遠在萬里外。非嚴莫治。下車卽鋤豪強。斥貪墨。發奸慝。風稜甚峻。上自崇藩下至羌酋咸慄慄莫敢縱。大修成都郡學。勸養濟院於營昌。出成按之不能生者亡慮百十數。滿一載將代。以盛暑行。炎鄉得疾卒。蜀人惜之。

蕪州府知府姚彥容堂 子鉢孫潛附

姚堂字彥容慈谿人舉進士拜工部虞衡司主事進郎中出知廣信府府有疑獄堂至立辨庶政具舉治爲江西第一以內艱去起知蕪州蕪故多羨金歲以億萬計堂悉籍公帑以備賑恤及修孔子廟與先賢祠先是豪勢人道蕪者輒厚索堂下令驛廩之外不得加毫末民用日省人情大慊會以事失撫臺指乃移守鎮江而以鎮江守林鷗更之牒至堂卽且行什器帷帳一無所移蕪民擁轡遮留不可得乃攀轅泣送出境而返相與誼

曰雙木作篙不如一搖及治鎮一如治穗政通惠洽流
民復業者九千五百餘戶久之陞廣東布政司叅政以
入賀過家卒堂三典名郡皆著異績而尤所注意者興
學養士恤孤舉遺棄表名賢以禮化民故所在民懷其
惠立祠祀之仲子鉢有雋才領浙江鄉薦鉢子滑舉呂
柵榜進士第

海州知州陸德毅遠

兄廣附

陸遠字德毅秀水人成化乙未進士知海州清修饒介
聽斷明允一日行部有旋風三匝馬首遠疑有冤令吏

卒邏察之。有一人死樹下。折擔尺許貫其喉。乃土人房
勒殺牛商。移尸於此。暮禽之一訊而服。又過大伊顏。有
小犢鳴號於前。使人隨犢所之。盜牛者方殺犢母。捕之
於是訟清盜息。人稱神明。擢廣東按察司僉事。兄廣撫
州知府。亦以循良稱。

連江縣知縣林時叙鴻

林鴻字時叙。建德人。幼篤志好學。成化間。由太學生授
鳳寧縣知縣。六事振舉。丁內艱。服闋。補連江。邑民邊海。
不知藝麥。鴻主教以播種之法。始獲其利。咸歌誦之。歲

旱。晴。雨。甘。霖。隨。河。民。爲。建。喜。雨。亭。致。仕。卒。於。家。

上饒縣知縣任亨伯秦

任秦字亨伯嘉善人苦學勵行常大書敬字於壁中夜
起坐對之期不媿於屋漏登成化進士第授上饒縣知
縣平易近民獨持大體邑有名士吳諒折節下之諸生
聞風無不束脩自好於是廣置學會羣秀異絃誦其中
暇則躬爲講說士風興起蔚稱人文立法清田以杜爭
訟早則教民盡力陂塘使得灌溉作浮梁增社倉百廢
具舉治最一時滿六載應召卒於京

吉安府知府張孟端本

張本字孟端錢府人成化乙未進士授工部主事累官知府歷襄陽青州吉安三郡吉安多巨室豪右暴橫鄉里本下車首擊武斷者數人豪強歛戢綱紀下吏法在必行雖貴勢無所撓厠陞廣東左奉政轉湖廣右布政使晉都察院右副都御史巡撫江西時袁瑞間盜發本論以利害盜稍稍解去竟以不能剽捕爲言者所論乃致仕生平聲績著於吉安簡守陳深治尚寬和而本更以嚴明吉安皆大治郡人兩賢之並尸祝至今

吳江縣知縣金惟深洪

十樓附

金洪字惟深鄞人成化丁未進士初授靖江縣知縣以
治劇改令吳江吳江素稱難治復豪猾縱橫賦役繁劇
小民每占一役不破產殞軀不止長區賦者視版籍爲
鬼錄洪歎曰虐政有甚於此者乎乃裁抑勢家剋革徭
吏廣分之後以殺其力裁冗費銀米解錢凡數十萬公
無通負而私鮮破家之虞吳民德之當道爲請於朝頒
其法通行天下每六察至獨吳江無訟反怪問之郡守
曰金令故善撫民也時比飢饉保留在任者凡七年拜

御史出按陝西復按山東以前後裁抑閭宦逆瑾不能堪欲擯之邊郡吏部持之乃得松江府知府瑾怒未解會洪減松江布價瑾遂誣以布惡械洪至京賴案牘明甚竟不能害瑾既誅凡被瑾黜者詔許查復洪獨不起予櫟正德丁丑進士仕終職方司主事

臨城縣知縣章忱

章忱會稽人成化十五年以進士授臨城知縣至則悉心咨訪凡民所欲惡事以次建罷動以愛養休息化導勸勵爲務適歲大飢民多流竄忱爲招徠撫綏給其種

食免其征徭民是以接踵來歸久之旁邑流民願就編籍者亦數十戶城北泥河出源泉流甚悍民據岡利會夏旱忱率衆築隄引水灌苗又教桔槔以濟高阜邑自是有水利鄉鄙皆無醫藥有疾輒事禱禳以待斃因疾痢代作爲檢方書修藥餌施之且諭以醫禱緩急所全活者不可勝計修學宮具祭器及諸壇壝館舍百廢一新旣又買隙地創置社學陰陽醫學郵傳養濟院各一所皆不勞而舉公暇則引諸士爲之親課其業且諄諄以孝弟忠信之道告之士悉知自勵每歲孟春令民會

男女節其婚嫁之儀不得論財貨民是以鮮怨曠淫邪之病或以訟至庭忱爲明示其曲直告以講信修睦之義民多自慙惕引退郡帥嘗以非公事後邑民忱堅不奉令郡帥甚銜之亦終不能害久之陞太僕寺丞士民爭立碑志思左春坊謝遷爲之記

霑化縣知縣方克和謙

方謙字克和建德人成化中由太學生授霑化縣知縣先是連年水旱逃亡者衆謙在任六年撫字有方民多復業時有一果雙穗一蒂雙瓜之祥人皆以爲德政所

感年五十卽致政歸

亳縣知縣胡信之祭

胡祭字信之，淳安人。登成化乙未進士，授直隸亳縣知縣。公廉謹敏，以勸學興行爲首務。民訟多誣，祭聽之，每得其情，舊俗漸革。時河水橫溢，貽患地方，祭爲奏聞，拯恤之。民始獲安。未幾病卒。囊篋蕭然，無以爲歛。直指張璠悼歎不已，命有司爲營治喪事。亳人悲號如失怙恃。

建寧府同知於文瑞珥

於珥字文瑞，嘉善人。登成化甲辰進士，初任南皮縣知

縣尋更吳橋外艱服闋改授無極三任皆有能聲陞福
建建寧同知銜有屯田久侵於民軍士失業遂多逃亡
凡五奏不得白珥按籍悉還之軍復歸伍擢守慶遠土
酋多缺貢賦例出金以賄守珥以其物代覓積逋夷人
悅服郡雜夷民士不知學立程式課生徒文教遂興說
者以比文翁之治蜀致仕歸卒於家

遂平縣知縣馮世英俊

馮俊字世英平湖人舉成化癸卯順天鄉試選教諭邑
僻人鮮知學俊旬授字解捐俸資給人人自奮多以功

名顯旣而擢知河南獲嘉縣大璫張永征安化所過騷然俊迎謁永稱嘉民貧力不能任供億永爲歛容謝長者調遂平遂平故無城流賊難作俊簡民兵禦之與許忠節相約誓死封疆旣母妻山中而身率丁壯畫地爲守士卒感奮登陴俱有死志賊知備嚴不敢逼夜潛遁去事平當有殊擢而倦遊乞歸杜門高卧絕跡公庭邑人罕見其面簞瓢蔬食晏如也惻惻無譁實心實行人稱君子

廣西副使陳廷佑璜

子暉附

陳瓚字廷祐，恭政與之。子登弘治己未進士，初令潛山，改青陽，皆有惠政。歷官廣西副使，嘗行部至梧，夜夢衣麻婦人持膝哭，異之。時有王甲者，爲兄毆死，監司出其兄其妻刀氏，訴夫被姪毆，而刀乃死矣。翌日，瓚鞫繫囚，按兄牘年六十而弟方四十，謂衰老毆強壯，安得遽死？此必姪毆之，因怙夢中之婦，乃刀也。毆者服辜，衆稱神明已而免歸，冀無長物。子嶧，成嘉靖甲辰進士。

浮梁縣知縣王舜耕坡

王坡字舜耕，東陽人。弘治初，授浮梁縣知縣。初至，窺戶

有以側金螭者，披一無所受。縣中白額虎，嗜人甚衆，有處子將嫁，堂宇嚴邃，侍婢森立，虎直入，獨銜處子去，訴於坡，坡齋沐焚禱於城隍，虎忽夜入城，飲仄牙垂首如，有繫之者，衆因格殺之，食日此吾尹感神所致也。爭獻搏虎歌，無何大旱，坡素服芒屨，自暴炎燄中，三日大雨如注，四郊霑足，民又獻甘露頌。在任二年，甚得民心，因忤上官，竟拂袖歸。

泉州府知府包民敬溥

包溥字民敬，鄞人。弘治庚戌進士，授新泰知縣。凡六年

政成民和陞南道監察御史以風裁稱轉泉州知府公
門如水庭鮮滯訟明年入覲卒於傳舍平生蘆潔自持
衣不統綺食不兼味敝廬數間僻居委巷既其死也囊
無十金惟遺圖書數卷敝衣一篋而已至今人稱曰包
孝蘆

福建僉事查原博約

查約字原博海寧人弘治壬戌進士授南京刑部主事
進郎中陞福建僉事下東輒問民疾苦悉力撫循之屬
歲旱疫癘大作約躬動禱禱給藥療治清汛徃杆閩釋

無辜天大雨疾亦良已延平邵武暨福州軍相繼扇亂
約單車申諭衆咸戢服擢山東副使以憂去補江西持
廉秉公嘗以訊決脫士人於死人誦其明進福建叅政
約舊有施於閩人咸悅其來至則治學舍廩孤貧惠養
士民士民懷之陟左布政使值歲游飢乃下令諸司掾
上納者悉出穀分貯各倉以備賑濟無何而戾官反獄
羣吏皆散走約以前三郡兵亂皆單身諭降威德素著
於閩莫賊可化誨乃銳身以先吏卒未及發語賊怖突
而前約大呼擊賊左右莫有應者遂被害閩人聞約死

皆痛哭立祠祀之

太平府知府項誠之經弟綬附

項經字誠之襄毅公忠之子登成化丁未進士第授南京福建道御史七年而出守太平太平國家股股郡然民貧不寬不可於是身撫循之凡流亡來歸者數萬計聞襄毅計奔喪回太平民留者覓道枳不行經泣而諭之乃引去服闋移治臨江臨江與袁筠諸郡接壤土寇出沒其間前有司幸玩愒弗敢動民無寧居經惻然曰夫臨江與太平異寇弗擊民弗寧乃立捕諸豪賊百八

十八按之一郡肅然逾年臨江大飢米石千錢有司方請賑經曰民飢甚矣必請而賑是含口以待斃也賑而弗請罪在太守太守寧以一身活萬人於是發府庫數千金建和糴之法民賴以存者無筭而監司督賦方急經人諍曰化理民命爲重民億矣以杖驅之是束羊加石而沈之淵直速死耳民盡死賦從何出太守死不奉命監司怒已而歲大稔民感德報稱輸賦恐後卒爲諸郡先監司乃悅時中官瑾擅權天下吏多賂瑾者經獨弗賂瑾怒或以告經曰人各有志也彼烏怒卽怒吾命

耳卒弗賂諱乃移治江經曰鵬止是幸矣卽日之汀臨
江民留之猶太平也治汀者期月政盡舉乃卒勒致仕
汀民留之又猶臨江也經卽夜遁去時經弟綬爲千戶
已進指揮矣而又從征廣右有功瑾乃矯詔縛綬編戍
遠陽無何而瑾誅諸賂者皆敗經獨以薦起經曰吾今
乃可休矣夫人處世若飄風耳吾寧千里爲吏俯仰人
作強壯態執若林臯自怡也乃自號怡庵遂上疏請老
授江西右叅政致仕優游林下者凡十七年而卒年七
十有八

路南知州徐子肅憲

子汝圭附

徐憲字子肅淳安人領弘治壬子鄉薦授路南州知州州故百度廢弛群盜縱橫憲下車多方料理招集夷民教以耕織生擒賊首百餘人又單騎深入龜竹二山招諭群賊皆叩頭乞降願爲編戶當道皆以其有經世才文章引薦憲執理不回與分守陳一經不合遂致仕歸閉門却掃日以課子讀書爲務年八十餘猶手不釋卷有五峯集藏於家子汝圭字德升嘉靖丙戌進士官至密雲兵備副使蓋得之庭訓云

廣州府知府袁景燠

袁燠字景輝慈谿人弘治辛丑進士授南京兵部武庫司主事轉車駕郎以耿直稱守備中官蔣琮最驕橫嘗囑燠以不法事弗聽琮銜之誣燠以他事下獄逾年得白而直聲益彰改刑部進郎中明刑執法稱西曹之最擢知廣州府廣州嶺南大郡前守以贖贖敗事燠至敕令一新興廢舉墜每侵晨吏抱丈書魚貫進燠爲拈摘奸姦盡一以示涇臾而盡吏受成案去際不敢出一語廣民喜告訐皆屬目燠燠悉召其人訊之立得其是非

狀皆匍匐悔罪。塔下始而紛訴盈庭，繼而訟者益少。人弗敢欺，廣爲城控，引諸番際大海，茫洋數千里，雖物貨繁阜而中有隱憂。撫爲繕治城郭，操練兵卒，時戒不虞。衆或以爲迂，而後倖有佛郎機之變，以有備無患人始服其先議。郡屬如新寧等邑半爲盜區，撫曰：「是未易以恩信撫也。」乃謀之督府，次第舉兵，取其渠魁誅之。其後始安而自戢，撫按以撫卓異言之朝，詔進階亞中大夫，食三品俸，而視事如故。將以需大用也。正德初，旣六載，考滿逆瑾欲以順天府丞缺償撫索金三百兩。撫曰：「京

兆承顧可以賄賂得耶忤其意遂致仕歸歸之日民攀送者咽路燠乃夜從間道去居家凡二十七年日與二三耆舊徜徉於山巔水涓絕口不言時事亦不涸跡於公府人尤以爲難卒年七十有七

臨淮縣知縣呂克中和

呂和字克中鄆人弘治己未進士授臨淮縣知縣臨淮故皇陵重地開國諸勲裔在焉又水陸要衝財匱民困而豪右併肆侵漁和提挈綱維芟削荒穢百度一新值歲歉發公帑兼貸種以賑助之民用甦息又擇子弟

之秀異者聚之學舍時給筆札躬爲程式毀淫祠四十
五所撤其材飭新公宇僧尼悉還編籍每中使出其治
杰貪虐費且不貲和乃覈符驗緩急而節量之治其尤
橫者徃徃多假他道以去丁外艱歸服闋改建平道出
臨淮民遮道挽留郡守邊冀以簡書畏嚴諭以再四始
聽出境建平俗囂囂喜訟素稱難治和按其豪黠不可
化誨者窮治之姦惡斂戢時黃河水溢臨淮民赴闕奏
改和而建平民恐聽之去卽數千百人徃爭之士大夫
莫不嗟異以爲未之前聞也陞刑部主事員外郎山東

按察僉事遷陝西副使撫治漢中進四川按察使便道
上隴而以倨傲拂衆遂被論落職歸

敘州府推官謝舜卿愷

謝愷字舜卿義烏人山歲貢授敘州府推官操履清介
訊鞫明允弘治戊申蜀大歉奉勅賑濟多所全活時盜
賊縱橫招徠安集民大感悅兩臺交章論薦朝命方下
竟以勞瘁卒於官舍旅櫬東歸篋惟救荒誓却金圖勸
民詩籠雞說數冊而已所著有石樓山稿

洋濟縣知縣張惟善時孜

張時孜字惟善，鄞人。舉進士，除令東莞。以憂歸。改令萍鄉。萍鄉故獨邑，又屬孔道，冠蓋雜遝。縣令日策馬往來迎送。又時羅列盤盃饋餉，客比歸，則張燈燭，酒數下矣。時孜至，一切不問，日坐堂上，校簿握算，搜剔殘卷，瞿矐屹屹窮宵旦不休。乃裁冗費，鋤豪惡，毀淫祠，興學校，平反冤獄，布德施惠，與民更始。會天旱，時孜徒跣行禱雨。隨車而至。時廨舍有蓮一，幹雙葩，人以爲德政所感。時孜故孱，不勝勞費，遂致疾。歎曰：「吾有三不足，飢不遑食，倦不遑寐，遽疴不遑拂沐。」就與田農哉，然稍足以慰吾。

者此耳。竟不起。萍鄉人戶德之。飲食必祝曰：張侯生我。已而祠之學宮。

古田縣知縣汪石中瑾

汪瑾字石中，開化人。弘治中以貢授古田縣知縣。下車輒以公廉誓於神，均賦後平獄訟，修橋梁，一介不取。民大疾捐俸入醫賑所，全活不可數計。時當路有欲橫征者，瑾獨不奉。令曰：吾不能剝民脂，媚人遂託疾歸。民懷之。移文至邑以頌其德。家居二十餘年，絕跡不入城市。悠然自得，直已守義而周貧恤匱，不自知其室如懸磬。

也求樂吾嘽志其墓

德平縣知縣范瑄

弟瑋孫言曾孫應賓又從孫之族

范瑄秀水人弘治庚戌進士授德平縣知縣潔已愛人以治行內召離任僅餘俸二金尋以病卒歷官十五年貧不克葬當路爲治兆域郡邑大夫暨縉紳鄉先生會葬者舟車塞途人以爲廉吏之報弟瑋先領成化庚子鄉薦孫言曾孫應賓又從孫之族皆舉進士

桐城縣知縣沈敬敷教

沈教字敬敷慈谿人正德甲戌進士授豐城縣知縣以

憂去陝桐城沈毅有謀篤於愛民桐故孔道值宸濠之變巨閭悍將駐兵江上供億無算教力爲裁損民忘其勞建桐溪書院置學田以造士桐邑稱治擢御史巡按雲南會尋甸土酋安銓搆亂武定土舍鳳朝文應之六詔震動夙夜籌策數月不解帶卒以底定時在盛年積爲之白以是著聲朝野歷藩臬爲光祿卿陟副都御史提督南京糧儲致仕卒

重慶府推官李璽

李璽籍雲人忠直多大節嗜學博聞任重慶府推官公

庶仁明不勢林不利奪有弟殺人賂坐其兄者庶知之
竟坐弟銅梁有亡寇囚其父母妻子者經年墜曰罪人
不孥釋之歸農寇聞感激自赴獄三年考最囊橐蕭然
還家鬻業以充行資擢知趙州苦節惠民甫五月卒趙
人巷哭家莫建仰德祠於州治以祀之所著有一泉集
倅淪集就正稿

湖口縣知縣陸文盛郁

陸郁字文盛西安人由歲貢監生授江西湖口縣知縣
時值宸濠之變州縣多被收印篆郁獨佩印以死守之

卒不能奪毀淫祠以杜民惑賑水荒以蘓民困類多善政陞廣東鹽運司提舉啓行之日百姓遮道不忍離時糧長積每歲常例二百餘金餽之以供路費毅然却之廉靜寡欲嚴於自治終始不渝其操在任八年每食蔬素時人以陸青菜稱之及任提舉政聲懋著致仕卒

咸寧縣知縣陳悅

陳悅縉雲人浙江省試第一授知咸寧作教民榜多善政民稱真父母當道交章論薦未幾卒於官士民巷祭路哭扶輓至家者數百人

欽州守徐良璧珪

徐珪字良璧。開化人。天性孝友。與弟瑋同師。求樂吾公。中鄉舉。以會試乙榜。授唐縣教諭。考風憲第一。擢令羅源。治爲諸邑最。陞欽州守。有惠政。造景震堂以自勵。時欽民以魚爲業。前此賦繁而魚徙。珪反其政。魚復還。民感異。爲建還魚亭。以誌之。復爲之謠曰。潮陽鍾欽海魚。魚利再興。鱣害除。蓋戴之若韓公云。未幾以疾乞歸。民爭挽留之。卒於家。侍講趙永志其墓。

襄陽太守徐子正咸

徐咸字子正海鹽人正德辛未登進士第初守沔陽西
屬兵燹後且值陵谷懷襄民嗷嗷待殍咸務在撫輯興
養區畫中理民多全活初沔地宜黍鮮植嘉穀咸爲之
陳厥疆畝引渠灌泉略倣吳地播種之法與民習之民
享其利居三載入覲屬吏託餽膳名盛貨帛以進率謝
却之庶譽益彰隨陟夏官郎去會武宗南巡咸凡事
豫戒備無不周銓官聞其賢擢守襄陽爲政一以平易
近民爲本民以是益親附之歲值恒陽射率父老格修
雩祀億暑不輟而甘澍應妖民惑衆禍巨測咸計殲渠

魁脅從不問。悉解散。其牧養一如牧汚。故襄人戴之猶汚人也。廖太史鳴吾作楚紀。列咸於登績傳。童太史內方以餘姚孫衍華亭張弘與咸先後同官。均有懿政。目爲三高。嘉靖丙戌。人覲忌者沮之。罷歸。日事編纂。有國朝名臣錄。澤山野錄。詩有東濱三稿。咸天性孝友。宅心坦夷。事父母寢處飲食。省事必躬。官至二千石。田宅不侈。常祿之餘。悉俾仲兄節奉。怡二親。不問其出入。嘗築園城陘。日餘春。每遇勝日。邀伯兄泰及里中諸名士。携直榼棋枰於禪扉竹徑。觴詠陶然。仙如也。卒年八十八。

延安通判周時敬雷

周雷字時敬松陽人由歲貢判延安出鎮神木督倉廩謹度支崇學典教恩威並行但地接北虜時被侵掠乃相度地宜築堡防禦使人掣其馬虜遂懼不敢逼又地高乏水人多病渴令各鑿井利濟無窮及歸民皆遮道泣餞不忍別林下三十年無暴色疾言人稱長者

長洲縣知縣許廷順翁

吾翁字廷順嘒之次子以會試乙榜署天長教諭嚴而有恩重建學宮簿正祭器獎賢表節教化大行尋舉進

士知長洲。燕明剛果人。莫敢干以私。擢判應天轉工部主事。丁內艱。遂不仕。四方從遊者甚衆。所著有易說。旂庵稿。讀禮類編。醫書會要。藏於家。

陽信縣知縣陶時莊儼

陶儼字時莊。秀水人。舉正德甲戌進士。初令陽信。遭流賊焚劫之後。士女此離儼盡心撫輯。請於監司得以羨金捐逋賦。民賴全活。後歷江陰。南樂。所至有聲。擢南京雲南道御史。監試應天。清戎江右。風裁凜然。後守太平。歷揚州。皆有惠政。遷河南按察司副使。尋告致仕。家居。

二十年足跡不入城市惟延師督課子孫捐田佐族人
之逋賦者臨終猶屬其子置義田贍族至今賴之

清河縣知縣陸文珮琳

子必附

陸琳字文珮平湖人領正德庚午鄉薦授清河縣知縣
值歲侵飢殍相望捐俸設粥全活者衆俗不事耕織乃
教之遂爲永業政績卓異擢監察御史按蜀行邊風俗
丕著終撫州守惠政視清河尤顯歸休恂飭自顧不履
公庭每以魚趾二字訓迪後進鄉邦重之子必字契淵
少蜚聲藝林孝友備至潛心理學著有捫心錄運甓餘

抄座右箴易簣時猶作歸真訣令諸孫誦山本草以曉
時稱為古君子

宜春縣知縣姚應辰參

子篚簣笄孫體信附

姚參字應辰平湖人正德庚午領薦京闈分教饒邑以
經義指南諸生擢宜春令賑飢興利搏擊豪強歲省茶
貢費十之九民若更生宸濠之變爲王公守仁應援斥
諸顧望者濠卒就擒再尹桐廬尋遷水部郎權稅荆南
益持水蘄會長子篚舉於鄉欣然掛冠歸居鄉約已敦
俗周恤故舊子篚仕至僉憲簣笄竝舉鄉薦孫體信進

士所受父產悉讓之兄弟衆共推之

山東僉事錢可容宏

錢宏字可容錢塘人正德戊辰進士授刑部主事晉員外郎諫獄西曹以明慎稱陟山東按察司僉事巨寇王堂趙志劫掠近縣宏督兵一鼓擒滅之進副使華鎮守無名夫役刑其厲民者民賴以安章丘水災解俸勸賑所全活無算擢廣西按察使歷福建湖廣左右布政進副都御史督兵南贛簡閱兵備節財裕民建趙清獻文信公二祠以訓忠節宏爲人孝友篤親睦宗歲租所入

分逮姻黨人高其誼在南贛以病乞歸三年卒

鉛山縣知縣杜望之民表

杜民表字望之，陳人。正德丁丑進士，初知鉛山。心慈而
守介，視民如子。宸濠之變，決策守禦，民賴不驚。尋拜御
史，大禮議起，忤旨廷杖，遂罷歸。臺省屢薦，皆不報。鉛山
人祠祀之。勒銘云：道上有青天之譽，獄中無白日之冤。
韶州府知府陳用光紹

陳紹字用光，上虞人。弱冠登進士，初授廬州府推官，以
明允有聲。拜南京河南道監察御史。嘉靖壬寅，北虜大

侵西人半爲屠僇。紹忿然上疏曰：宋時中國相司馬遼人戒飭邊吏。今日者誰執其咎？忤宰相意，遂出守韶州。紹怡然就道。至則與民更始，榜示十餘事。其大者曰：清本源，禁侈汰，稽積滯，輯盜賊。一郡咸屏息聽。先是徭役以人一丁配糧一石，貧民苦之。改議一丁配糧五斗，曲江附郭里甲煩費，爲之稽籍分日，縮十之七。韶民貧而喜訟，得其情而捐其贖。訟者感化，應德有楊金者殺異禍奉賄吏，嫁罪蔣效文。翁源池成，鑑謀殺嫂姪，飾僞贖冀倖免。紹一訊皆伏辜。合郡以爲神明。乙巳歲大飢，發

康栗躬爲校給。迄無目蓋者。民大稱便。而慶更生已而。
四月。雨。至於六月。紹閔之。綿雪於山川。日。勤。集。瘞。暑。
毒。弗。戒。忽。感。墮。卒。卒。而。雨。至。聞。者。莫。不。流。涕。年。僅。四。十。
紹。居。官。廉。慎。卒。之。日。衣。囊。書。篋。外。無。一。長。物。遇。事。審。計。
不。輕。舉。舉。必。有。成。交。不。妄。與。與。者。可。託。死。生。壬。辰。下。第。
將。歸。一。友。同。舍。偶。病。疫。且。殆。紹。曰。隨。衆。奔。去。如。此。友。何。
獨。留。治。療。俟。其。愈。而。後。別。

太倉州判金孔殷江

金江字孔殷。義烏人。嘉靖初。由太學生。任太倉州判官。

以開濟。丁浦有功。陞高唐州同知。捐俸賑荒。民賴全活。出佐大州。未嘗廢學。公退卽燃燭讀書。所著有續綱目書法端本要略。華川文匯錄。義烏人物記。

安丘縣知縣邵本中大章

邵大章字本中。錢塘人。以明經數冠諸生。舉鄉薦。起家桐城教諭。東贄不行。逮其秀文而貧者。躬誨之以最得。安丘令。安丘故多盜。而董贊王學古爲之魁。大章晝夜捕之。置於法。餘盜他徙。夜戶不外閉。民始得盡力生事。以儲蓋藏。大章復平稅歛。時徭役以務爲休息。民各欣

然出其財力以輸公而家更饒時御史何廷鈺者議海
運以委大章大章爲條析其不可狀上御史意亦不自
憚然無以難也竟以是去守上思大章不夷其俗敦信
崇禮翕然向化其治大約如安丘以才移署橫州治狀
加上思以最聞得同知福州府卽移疾歸歸二年而母
卒大章柴毀骨立竟以不勝喪死死之明年婁江王世
貞來叅浙藩悉大章所以治安丘者乃勒石表其封曰
嘉靖中循吏錢塘邵君之墓

興化府推官沈大新鑒

沈璧字大新嘉興人嘉靖乙未進士初授興化府推官
庶平不苛攝莆田縣事伐石築隄禦海風濤不能害稼
而民用大穰陞南京工部主事進員外郎權稅蕪湖令
商自籍其稅而上計時卽以其籍往不更籍胥吏不能
爲奸後知延平省里甲節厨傳清筦庫刑清訟簡民甚
便之陞江西按察司副使備兵饒州計擒劇盜數十人
以脾病卒於官

蘓州通判包子木梧

包梧字子木鄞人領嘉靖壬午鄉薦通判蘓州時織造

中貴怙勢傲視判如下吏判亦庭謁執禮甚卑無敢抗
者。栢獨長揖不爲屈。輒外取索裁準殆盡。心術之誣奏
達詔獄。請無爲州吏目。未幾改成都府通判。陞福建漳
州府同知。漳瀕海故盜藪。長吏視爲挾事置弗問。栢特
設青鈎致捕繫株連不遺餘力。中多豪有力者爲之與
主。畫議遂四起。竟奪職歸。栢爲文率青澁雄俊。自成一
家言。有白鹿集若干卷。

饒州府推官康伯正學詩

康學詩字伯正。世爲浙西舉族。以避寇徙華亭。遂家焉。

學詩少類英工屬文以春秋舉鄉試數上春官不第謁
吏部選科饒州府推官而郡豪吳陽與弋陽豪仇聞死
者各數十人案十餘歲不能決臺檄學詩與府倅某會
謀之倅遠邇不敢往至以罷去而後代者爲弋陽徐令
滿滿心欲弋陽民學詩知之至讞而二姓各具甲以
從曰是行也枉必死之學詩顧令滿曰無分民也察其
情不甚懸而聞死者敵遂歸獄於死者而末減豪使從
贖論咸叩頭惟呼散去就農曰徵廉君吾嘗寧復知生
人業耶諸臺使獎褒屢下且遷矣而以案嚴宗室爲所

中調蜀之重慶其治如饒亡害又署瀘州州事一切治
辦皆苦旱既而禱神雨澍應歲乃有秋兩臺交薦復實
遷矣而竟以持法失分廷食事意構之臺以論罷學詩
笑曰吾再更佐大郡縱歷歷之善狀乃再以一敗而勝
十舉若承蜩然則豈非天哉歸而築園舍傍有卉石亭
榭之屬日屬詠其中時時從諸老先生社游及爲酒酒
極豐乃其自奉則一筭器食以故竟老無家指累卒年
七十有四

延平推官李珉

李珉，縉雲人，任延平司理。鞠獄明允，人稱不冤。有父訟其子者，其孫曲護其父。珉曰：「爾知爲父之子，不知父亦祖之子也。」二人相抱大哭，叩頭悔罪而去。卒之，父爲慈父子，爲孝子，孫爲順孫。聞風者，無不感化。聚賢里人多好訟，訪其刀筆，痛懲之。訟爲頓減。尋遷撫州別駕。時明寇出沒布德，惠嚴規畫，境土肅清。僅四月，致仕。日吟咏歸來堂於世事，茂如也。

惠州知府沈子完垣

沈垣，字子完，平湖人。嘉靖乙未進士，除大理寺評事。左

歷寺正奉璽書錄囚廣西平反冤獄七十餘人不爲法
縛亦不刑法獄上盡如議陞汀州知府內艱未上歸補
守惠州惠在嶺海間難治垣政先風化廣厲學宮嚴御
徒吏勾校簿案事至立斷務得民情錢穀出入蒞以清
平黠胥束手不能爲奸郡人皆曰太守敏達魯某豪有
力宗黨皆奸橫凌鄉曲持官府短長嘗謀殺隣人莫敢
發垣廉得之逮至卽訊詞証明甚并其宗黨咸抵法李
鑑者和平劇盜也糾羣偷負險白日出剽劫垣設方略
調兵餉聲言且剿賊乃使人持檄入巢諭禍福鑑自縛

伏罪支附皆解散。垣亦不窮治。郡人又皆曰：太守明毅，值歲侵，民大飢，且轉溝壑，或聚爲盜。垣發廩賑贍，急爲下糴，法通有無，民得全活者，不啻幾萬人。郡人又皆曰：太守慈惠，垣天性真純，表裏無貳。郡中旱，請雨，卽雨；潦請霽，卽霽。郡人又皆曰：太守治行通於神明，蓋視事甫及朞，而上下孚洽如家人父子，不啻也。會郡有利病條，上議督府，議道中，中瘴卒於番禺館舍，年僅四十有八。垣篤於孝友，善事父母，曲盡愛敬，昆弟相與推盈，取歎。曾無間言。世勤耕織，饒於布粟，歷官清慎，所至資給於

家與人交直道坦懷中無厓谷三族故舊恩禮隆洽周恤補助不吝財力茶陵張文隱公嘗曰沈子完合章篤行可謂慥慥君子豈時以爲知言

歸化縣知縣章若虛宗實

章宗實字若虛世爲溫之樂清人徙家常熟遂占籍於吳宗實生而有通奇之譽嘉靖庚子薦於應天數試禮部數不售遂謁選得汀州歸化縣知縣歸化在萬山中其民椎而獷前令歲審後卽重閉爲衛謝不見客民亦徃徃推瓦礫叩門呼許宗實悉徹去令民大小得以情

請宗實徐爲平亭而遣之。畢事無譖者。邑有公使厨傳取辦里甲市小猾得以緩急持之。昂物價至數倍。乃與宗實第令里甲計費輸官。官爲市物歸其贏。一時稱便。遂行之。諸比邑以爲令。又損俸餘及嘉肺之美緡飾學宮。新講堂。暇則褒衣延諸生談說經義。彬彬甚都。而會廣大盜數千突攻邑。宗實偕吏上日夜乘城守。前是邑門爲木寨以固。旁無濠。宗實曰。是不可攝。齊上手起甃甃門上。立敵樓。四週浚濠。使民得漁之。甫畢而賊至。堅不可下。城人飢且內潰。宗實急出橐中裝散使賑之。以

先諸豪乃肯稍相給。賊既退，父老數輩齎金帛詣縣告償。宗實謝曰：「賴父老子弟僇力爲令守令，念無以犒士爲父母羞。何事費父老償乎？」卒不受。無何而廣寇復大起，所過城邑脅軍資累千金，乃肯退。宗實獨持不與，相拒凡七閱月。賊知不可動，第爲書射城中以去。盛稱令賢，疆爲令故完邑不者，屠矣。賊退而疫大作，宗實亦以勞沾疾，且革，謂其家人曰：「死生命耳，吾不負邑。」可以下見先人矣。語畢而逝，年僅五十有一。邑人聞之奔走號哭曰：「令不負吾邑，邑顧可負賢令乎？」爭輸金帛庀材。

構祠肖像以祀之血食至於今不替云

延平府知府陸大行相儒

陸相儒字大行嘉興人嘉靖乙未進士授工部主事出知延平首行條鞭法爲八閩倡閩人稱便永戴之又勸義倉行鄉約興學右文郡大治擢貴州憲副土酋拒命數載時議撫議剿無定畫相儒獨許其自新卒歸順以憂去後補閩中會島夷入犯晝夜集勞遣材官逆於海斬獲有功未及聞以疾卒於官士民莫不流涕相儒天性孝友粹白冲和士林僉讓其德卒以勤民死官福延

兩郡廟祀之至今

徐聞縣知縣王德純朴

王朴字德純秀水人天性孝友動必師古歲置日曆以自檢押後以貢授徐聞令清介自矢壹意爲民與利剔蠹邑故有珠池課中官恣溪壑爲民患朴請罷之又檇榔稅佐縣官厨傳徃徃入爲橐中裝朴爲首革因著之令其他釋冤獄賑飢民創立社學教民鑿渠時澮洩以溉田水旱不能爲患民至今食其德尸視之比於桐鄉威縣知縣錢汝冲未

錢木字汝冲本姓劉父滂贊同里錢氏因姓錢嘉靖改元以尚書登鄉薦明年成進士授威縣尹威號難治木開誠待之榜境內求能箴吾過者修威廟創小學訓豪士相俸倡邑中賢豪競勸得穀萬石築城中弃地室一千三百區募受廬者區歲粟一石入社倉假貸貧民歲息十二積數歲得穀又萬餘石增築威墉外郭濟湟植木爲阻木幾河北大無麥道殣相望威獨全活流民自相占者先後三千人威苦牧馬牧馬種尤苦木度牧馬因爲兩稅牝畝十三於是民爭受馬矣境內有藩府佃

卒豪按勢凌民民苦莫可訴術至按法斃其尤羣豪卒
不敢譁威賦不均術做漳州國幃則壤盡界爲經遠計
雖勢有力者請寄不由聽貧富咸便之河北三郡父老
皆請於憲按御史願得錢知縣均我田咸有門丁產三
徙吏士上下其手與奸市術就中哀益人人以爲便
憲御史下其法確北曲周郭縣魏濟長垣諸父老又皆請
於是御史願得錢知縣均我後術既旁歷諸邑無勿便
者而內黃南和敵尤甚術爲經理三月內黃南和亦大
治最書九薦稱循吏陞工部營繕司主事無何以疾卒

年僅三十有九子二長煥次煥自有傳

馬湖同知薛文明治

薛治字文明。涿州守禮之孫。年十六。應於學官。時詔簡諸生貢薦京師。毋限年資。治以第六人應選。後先試前。闕南京。俱不第。遂謁選。得通判梧州。以廉明稱。嘗攝守事。運行勢林諸州縣。民苦重稅。弃其田不治。治歎曰。理民之道。地著爲本。乃召民占數佃作。五年乃稅。編戶樂業。硤礪盡墾。狼兵種陸川餘田。稅與民等。治曰。兵推結。據弓弩。居守。出征。非若農時修。圖畔。日服其縛者。奈何。

與民同輸乎卒損稅之半置輟田焉三年舉最權知縣
度值歲惡民流珍珠嶺有龍神能行雨祠禱不應治
赤日中跣步往來雨大澍而歲乃得稔厚坪羣虎晝
人移文城隍神使驅虎三日爲期虎如期去一虎踰城
門下若伏辜者射殺之郭外居民火飛焰及郭內州人
恐治乘城拜祝曰守誠有罪願以身受焚毋及民忽雨
注火滅士民歌謠之莫不曰虎北渡河逐風滅火於今
復見之始知古史無飾詞無何以外艱歸服除除四川
馬湖府同知九絲賊叛督府屬治監帥劉顯兵剿之贊

畫方略料賊情如燭照不踰月而賊平當是時寺人不
戒於火官殿災治度必徵材於蜀賦歛趣辦所在買辦
賄則民病矣乃奏記上官先事早備卽之徵外徭徠穴
中採以喫已大臣奉命至蜀楚滇黔四藩獨馬湖事半
而功倍兩臺交薦計最推爲水部郎未被命道卒年六
十有六治人官十九年蔬食布衣如故母歿父不再娶
每侍寢輒潸然涕下生平一絲一粟必以進父無私橐
伯兄早世父孳孳其子乃盡昇父所授世產而復分祿
與已子等解備駁之愛緩急相護孝弟廉平大致如此

所著詩文十二卷、雜著八卷、成一家言、

常州府知府應子材櫨

應櫨字子材、遂昌人、嘉靖丙戌進士、授刑部主事、歷郎中、奉詔書恤刑南直隸、平反獄囚、全活者衆、出守濟南、歷常州寶慶辰州、卓有異政、常州勒石致思、比之龔黃、天官尚書許瓚嘗言於朝、稱其爲天下知府第一、擢湖廣提學副使、累遷山西巡撫、會北虜寇畿甸、卽先諸鎮入援、朝廷嘉之、錫以燕賞、陞兵部侍郎、總督兩廣、以征土山勞瘁卒於官、訃聞、贈兵部尚書、遣官祭葬、所著

有慎獨錄獄獄稿大明律釋義行於世

蒲陽縣知縣陶世顯謨

陶謨字世顯秀水人嘉靖壬辰進士初令建德以才調
蒲陽治爲諸縣第一召拜監察御史巡鹽山西商氓稱
便還攝六道事劾武臣驕縱不法竟致於理出按江西
贛州盜起爲設方略擒之巡視京營稽尺籍清佔役以
千數丞大理多所平反丁外艱歸乞以身養母終謨家
世孝友嘗置義田贍族其子孫多馴謹里中家法多稱
陶氏

常德府知府陸汝行州

陸州字汝行海寧人嘉靖甲辰進士初授南昌教授遷
刑部郎出守常德郡受沅靖五溪諸水舊築土隄捍之
春夏水暴土蝕則兩崖之間不辨牛馬州請易土以石
募民貲捐帑金爲長堤百五十步高四仞廣半之湧至
始不爲災縣官以賦則淆混徵歛無藝良民或倍輸之
稅乃強黥者終身負責漫不裁省州戒民毋入城納稅
第置循環二籍鈴發里甲歲令沿戶按額取之而納戶
得以所納期限稅自手註於籍月終更互考成之完負

悉有稽覈。公賦大辨州治。郡三年。不爲烜赫可異之政。惟務約已愛民。他如均傳費。獎士類。屢賑恤。每事必爲之區畫。期於奉法循理而已。陞九江兵備副使。民生祀。於城北。未幾丁內艱。卒於家。郡中父老。幸子弟朝夕慟哭。祠下如夜。考妣云。

徽州府知府陶子述承學

陶承學字子述。會稽人。嘉靖丁未進士。授中書舍人。遷南京湖廣道御史。出爲徽州府知府。徽故山郡。其民負氣好爭。以善訟爲豪。久者歷數十歲不解。平居不肯出。

一錢至賄。獄則破家。不惜且輕視官府。以爲吾貨足以取之也。訟不在大。卽口語有爭。輒起訟。訟輒以殺人爲辭。勝者戚里皆賀。負則閉門。憤恨若無地。以自容。然或賀者在門。訟者在途。牽連不已。承學不屑聲色。大事律斷。小事情宥。諸爲問者。投賄者。假權勢請託者。造蜚語者。曲訴上官者。一切不問。中情律而止。於是訟師狡獪。猾魁氣折。望府門而心悔者。十之九。其訟殺人者。必先與約曰。此非汝父。卽汝兄。不亦皆手足戚。非有沉寃而戮其腐骨。卽當與殺人者同律令。具服辭。乃爲驗之。不

得實卽重生。僅法一二人而迄終任無敢誣殺人者。敏於決斷無宿案。下邑民就讞者止春半。升糧因號曰半升太守。月再受狀。初至日數百人。二年後則不過數人。有時或竟無一人。郡前食肆俱罷。衢市寂如。時島夷擾東南。蕞之山寇。上江諸郡數有大寇。承學胥以顧後。意行之。後竟而民不知。或之旁郡。見其疲於兵甲。乃驚曰。吾郡何獨無此。歸更相質問。乃知之。因相語泣下曰。太守生我。秩滿擢江西按察副使。兵備九江。瀕行。郡人擁門頓首曰。明府今去。笥中無一畝土物。故土漸矣。窮民

服用物也。又價廉歸以遺鄉人。可止。三辭謝。乃取墨一螺。扇一握。受之。歷轉藩臬。諸正使積官南京禮部尚書。以失江陵吉。致仕歸。初在徽時。下邑人往往書太守爵里祀於家。及去。乃相率立祠於郡郭。置田供祀。久之。益思慕過者必拜。春秋祝釐於祠。大會飲酢。寃者輒走訴。或禱卜焉。其買四方者。遇會稽人。必問太守眠食狀。若何。子綸修望齡。嘗一至徽。居人爭出覲之所。過塞路曰。此吾父兒耶。父老有泣下者。其爲人繫思如此。

廣信府推官卞信卿誌

子錫附

卞諶字信卿嘉善人以進士任廣信府推官爲人機警
決獄精明雖老吏不能及嘗經鉛山嶺道有卧屍忽夜
夢一人謂備者爲主所殺密訪其人得之竟置於理郡
有巨室殺人匿屍燕室中獄久不決諶燕知其處發屍
驗之遂服辜其善摘奸伏類如此郡中稱爲神明三載
考績赴銓部卒於途子錫工詩稅登制科官司勲有聲
松江府同知陳敬夫善道

陳善道字敬夫平湖人嘉靖庚子舉人初知德安築城
以禦流寇諸民奸法者悉按治之尋改倅廬州掌錢穀

不私贖金轉松江府同知樞治小民嚴治逋首所創規
條迄今守之歸田二十年布衣蔬食不減寒素自謁選
時有林田二百畝歸而如故時人服其清

奉新縣知縣來子禹汝賢

來汝賢字子禹蕭山人嘉靖壬辰進士初知奉新奉新
江西陋邑也其俗橫閭狠訟抵訐矜健務必勝不勝則
陰伺持上官短以責右已無何依違之否且立去汝賢
至根批其尤者數人痛法懲之既而曰此豈道化意耶
其他固吾赤子於是開學館延進諸生爲指示經法爲

文章躬行如是而是諸生歸以諷其父老子弟。皆曰吾令良願哉不爲非。諸部使者大異之薦上其能。凡在奉新十月而調升陽丹陽道衝兩都舟車至西郭門日數十百縣令日出出河許造請諸大夫賢者聲折爲禮視供具徒諫一一指授無失賓客意久之歸縣中爲民均賦平爭訟調後作不暇給矣。又時時延進學官諸生講說經訓勸行如奉新時考最召拜兵部職方司主事無何以在縣積瘁致嘔血至是益殫瘁不爲吏遂乞身歸歸五日而卒於家年僅三十有六所携宦橐

無十金而譏者。顧謂其受同列之餽。士憎茲多口。信夫
德安府知府張鳳來

張鳳來秀水人。嘉靖丙辰進士。初授刑曹。日與諸僚講
解律例。至一字必嚴辨析。及慮囚江南。多所平反。出守
德安。當景藩之國。歲復大侵。鳳來調度得宜。而飢民不
殺。治行稱最。已備兵九江。轉閩臬。時廣寇林道乾倡亂。
勢且蔓延。而玄鍾洞山諸洋盜復乘機並起。爲之聲援。
羽檄旁午。民心糜沸。鳳來鎮以寧靜。徐授方畧。以次悉
平之。事聞。賜金幣。以勞。進雲南左叅政。未上卒。

汝寧府同知錢子元貞

錢貞字子元嘉善人博學績行以選貢入太學領嘉靖丁酉順天鄉薦授福建尤溪縣令操守峻潔愛民好士陞汝寧府同知悉心佐政保民如赤子代去百姓攀轅不忍捨夾轂焚香送數十里而後返以入覲卒於京邸汝人聞之爲之巷哭所著有實政錄

廬州府知府屠宗豫仲律

屠仲律字宗豫應城之仲子嘉靖庚戌進士初令弋陽政聲藉甚擢南道御史彈劾不避權貴有理輸風還廬

州太守。挺身清約。時軍興浩費。更以景府之國。郡邑騷然。仲律一意節省。嘗減他郡十五歲大侵。民多遭賦。爲出贖銀代償。又出積穀數十萬與民平糶。所全活甚衆。其他興學育才。銳意風教。士民信愛之。竟以勞瘁殁於官。仲律個儻有大度。事母孝。伯兄食貧。歲倡諸弟捐金助之。宗黨故人。多受惠者。至今頌其德不衰。

濟南府同知楊汝承祐

楊祐字汝承。錢塘人。嘉靖己丑進士。選庶吉士。出爲湖廣興國州知州。擢刑部員外郎。時與同僚者忤。其人愾

士流謗當路，遂左遷濮州知州。陞濟南府同知，祐爲政
應平糴閭，其典二州佐劇郡，皆以平賦使興學校，著名
節義，允費訊決無枉，所在得吏民心。旣去，民歌思之，陟
江西僉事。甫入境，值弋陽貴溪盜起，祐單車詣部，收其
渠魁，餘悉下教原之。盜應時解散，彼坐興國謫，調湖廣
僉事，擒劇盜，廣招携，興利舉廢，善政種種，無何卒。祐爲
夷洞達，胸中無畔岸，魁梧秀偉，翩翩文士，其詩多清健，
能爲顏鮑家言，而游鱗矯矯，傷於息鉏，每誦晨露之章，
爲之太息。

卽墨縣知縣吳介天廬

吳應字介夫歸安之菱湖人。生而好文弱冠補邑庠弟子員。志苦思精根柢領要每試擅優品藝翰風雅駁駁居老宿前然困於場屋凡十二試卒不遇嘉靖士子以貢上春官卒業成均謁選得卽墨縣知縣蒞政約已黜情專意愛民節用縣故有供款悉斥廢規解隻僕寥寥窮立值歲飢經理領勛亟亟爲民請賑得無殍適後膠河之役主者銳甚不能回應切憫民瘼積不發潛卒主者持之嚴應格其徵使曰吳知縣頭可舍官特餘事耳

朝廷命我牧民。可視其就死地乎。又適負停積。一時微計使輜相釋下。益苦之。格不與致邑人。其使構激語。誚以木偶人。庶作詩解嘲。遂飄然弃官歸。邑士民留者載道。攀泣擗膺。樹屨脫舄。富累贈帙。有帙中詩曰。自君之去矣。凡四章。欷歔痛悼。皆士農工商盡邑之人也。轉相廣和聞者。興悲又盡。天下士如卽墨也。庶之治卽墨。秉誠卸下。與民如家人。不判貧分賤。禱雨雨至。驅蝗蝗息。邑之賢豪長者。無不傾戴。嘗擬爲古之循吏。今之純儒。比歸。寥落故止。幸履茲。必稽文述古。或酬事摠興。下筆

能淘湧老而彌篤與壯髦相頡頏性夷坦所至不言而
飲人以和見飢寒訴急每極恤不違其自爲終其身不
謀蓄封預刻死日至期作詩辭世嗒然瞑目逝年七十
有九所著有醢中醒語及詩文若干帙藏於家

樂平縣知縣周季實茂恂

周恂字季實秀水人嘉靖丁未進士令樂平五年苞
苴屏絕刑清訟簡俗好兵聞至是遵約束無敢肆詣京
時父老憐其貧餽之金却不受尋拜職方主事監督大
朝門工勞瘁成疾卒宦橐蕭然無以爲歛士大夫解俸

贈之始克襄事有女不能嫁郡守賈之奩具殯後數十年巡御史龐公按部至秀水廉恂懋清白狀嘉歎不已給資修墓遣吏奠之而後去

吉安府推官盛原陶唐

盛唐字原陶嘉善人嘉靖戊戌進士初授江西吉安府推官每獄獄探索幽隱人稱神明爰書成自手筆吏胥不能售其奸以最召并監察御史兩按陝西河南風稂丕著還湖廣副使致政歸優游林下不入公府所著有

六合縣知縣茅國卿宰

茅宰字國卿山陰人嘉靖中進士知六合縣守潔政和爲一時循吏之最遷南京刑部主事未幾卒六合人祠祀之宰資性穎敏而好學砥行卓然以遠大自期乃竟以中道夭折識者惜之

福寧州知州鍾太初一元

鍾一元字太初秀水人嘉靖癸丑進士初任福寧州知州州界山海間值倭警預拓外城爲保障丁內艱著墨表禦敵福民涕泣挽留立石頌績後守池州會景府宜

眷逗關所至驛驛元一意爲民節省力抗內豎幾爲所
窘郡民至今思之復守寧國有惠政轉四川副使以祖
母年高上疏乞歸結廬郭外泉石觴詠元素介直非我
同志卽謝絕弗與里閭尤高其誼

崇安縣知縣鍾惟一銳

鍾銳字惟一錢塘人舉嘉靖乙卯鄉脩屢上春官不第
遂謁選得令崇安值 神廟初江陵相公柄政務明察
行文量法下令嚴急吏多奉行過當以取媚銳故緩持
之監司皆促甚急銳徐應之曰崇雋巖邑地磽确且不

加廣安得浮額取盈。屈令來教民力。田開墾尚未。則壤
成賦無已。而始克之。雖然。吾其耻。後加賦稅也。於是置鉅
甬縣門。令民手實。無粮墾田者。自首免罪。乃得三千餘
畝。抵槩邑缺額。民不擾而賦倍。監司愧服。銳爲政務。德
教尚禮義。更嘉意學校。捐俸入置學田。以給諸生之貧。
而無以贍讀者。治故有武夷山。爲海內名勝。使者行部。
及過客輜軒至。必一登覽。以爲快。車蓋相望。苦供億不
貲。邑爲編坊役以應。往往破家爲民病。銳惻然曰。是山
水爲厲也。小民膏血。奈何爲登涉者。浚削而縣官復置。

不問如于民何乃關山之曠土使民播種之得田如干畝定籍起征以免坊役之供游覽者民食其德歌詠至今兩臺諸監司前後薦剡凡七上例當予臺省會要人諷銳詣政府通謁銳謝不往遂轉武昌郡司馬適丁內艱歸卽請告返初服絕不與戶外事卒年七十有二

萬載縣知縣陸溫夫墩

陸墩字溫夫蘭谿人以鄉進士知萬載縣愷悌有爲豪猾爲盜者薙髮不遺餘孽歲飢民多逋負移檄交至墩卽自械繫民爭願身代墩曰父老無自苦吾寧以此去

不忍爾輩流離也勸課學徒撫存孤寡皆誠心惻世後以謗調大庾民痛哭遮留治大庾語無譟妄遇事堅執不爲詭隨處繁劇率以簡靜愛民禮士敦雅有古風陞福建漳州府通判去後民恒思之

內江縣知縣沈雲卿伯龍

沈伯龍字雲卿嘉興人嘉靖乙丑進士初爲內江令有惠政民宜之皆稱豈弟時直指貪悍數伺其隙而不得及內召將行直指盛氣而前盡發行索止俸餘十數金而已直指赧頰退父老子弟扶輿而出號泣不絕抵京

補兵科給事中、忤新鄭、出守川南、會有九繇之亂、九繇
負險以抗、伯龍語諸從事曰、人臣委身事君、政在今日、
諸君更何待乎、於是諸將皆奮、無不以一當百、又躬自
督陣、親冒矢石、捷聞、天子賜金幣、陞俸一級、隨番保
作亂、督撫以兵五萬、專屬之、龍乃謂解甲未久、不堪復
戰、遂呼裸衆、諭以國威、裸聞諭、歛呼動地、縛三渠魁、以
獻、江陵父卒、諸司往弔、龍獨不往、竟以裁革歸、僅數月、
復起江西、隨轉山東按察使、以積勞委頓、遂拂衣歸、志
行粹白、里中稱爲長者、

常德府知府葉文榮朝陽

葉朝陽字文榮秀水人嘉靖乙丑進士爲人清慎恂恂若書生當事執法雖豪富不能奪初知信陽州首均田賦豪民不得相冒爲奸晉工部虞衡司郎中司鑄錢中貴人索例弗與出治鐵冶歲有美金數千兩毫無染指尋陞常德府知府有劇盜張金者隴聚洞庭殺掠官庠乃以計殲其渠魁餘黨悉散尋陞鄖襄兵備轉廣東叅政致仕卒於家

肅寧縣知縣俞汝誠子良

俞子良字汝誠山陰人領順天鄉薦潛心聖學力敦古
道平居無戲言妄動議論侃侃務砥礪名檢未嘗以一
事干有司初教諭樂城樂俗不知有禮則諄諄以禮誨
之未冠者躬爲之冠有婚喪者爲之品式使遵行焉樂
人感而化之雖婦女亦呼爲俞夫子遷蕭寧令治邑事
如其家甫踰年百廢具舉臺使者嘗以殊等然竟以勞
瘁卒軫遂之日蕭然故風而已所著有司學錄通鑑節
要尊親錄樂居司牧二集並與切可訓

陳州知州洪惟進丞

洪丞字惟進平湖人隆慶辛未進士少警慧英敏性孝友撫弟遺孤若已子初授陳州知州造士愛民有輯治三十八事大都除疾苦興便宜停解京俵馬三百餘疋以折色代又議處河北歲派驛費省民數千金吏治報最擢駕部副郎攝治部事曹無閣案當路稱爲通才尋進選部郎方厲以國事未究厥用得勞疾卒於官歿之日囊無長物時論服其清

廬州府通判查鳴周志文

查志文字鳴周大京兆秉彝之長子也隆慶丁卯以太

學生中應天鄉試數擯不第謁選得廬州府別駕文自
慨不及成進士又不獲專城提印以抗功名於時乃臨
江自矢目所不能奮報國家者如此江抱贖佐二千石
一切絕苞苴却稅羨時割俸以代輸贖鍰冰蘂聲籍甚
時河工告急當事者重文木檄當一面而所當如懷仁
雖寧諸處尤湍悍難爲功文輒躬負畚鍤身先之時雪
其後者墮指文請便宜當事者利亟成不許文乃私自
散遣約以解凍西集工咸如期至感恩奮勵不督而成
視諸凌雪搏沙者率後成而又先祀也所省國家費數

于悉輸官帑遷無爲州守叙河功晉二級加廬州府同知仍管州事州治濱江患水文惻然曰是安能請命以需越人之收哉卽擅發粟以賑全活數萬計苦旱蝗文齋夜露禱蝗輒自投黃白兩河死未幾又值大侵二千石督稅急牒三四下復遣吏督促之益力文乃解印綬更皂帽繫頸而泣請以身坐卽偕吏就道於是百姓奔走號咷吏亦愀然還報二千石乃止文故世家多援而又獨行不顧遂中忌者口文亦稍稍倦事卽解印歸歸安茅鹿門先生爲之傳曰京兆公偉節在天下厚德在

宗黨有志弗竟留以寄之子若孫使京兆爲文正則文
不難爲忠宜京兆爲太丘則文不難爲元方然太丘三
世令德當漢之季其含光隱耀固宜若文所邁明盛不
啻忠宣時也而仕以例格所可見者僅如忠宣襄城慶
州之績而已使其立朝行志不負所學不亦與龍圖老
子輝映後先也哉君子以爲知言